



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o utvrđivanju posebnog značaja za Grad Sarajevo
za Udruženje generala Bosne i Hercegovine
(Prijedlog)

Predlagač: Gradonačelnica
Obradivač: Gradska služba za lokalnu samoupravu

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b). Statuta Grada Sarajeva („Službene novine Kantona Sarajevo”, broj 7/23), te na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo”, broj 51/21), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**Odluku
o utvrđivanju posebnog značaja za Grad Sarajevo
za Udruženje generala Bosne i Hercegovine**

**Član 1.
(Predmet Odluke)**

Ovom odlukom utvrđuje se da je Udruženje generala Bosne i Hercegovine od posebnog značaja za Grad Sarajevo, kao organizacija čije je djelovanje usmjereno ka njegovanju i razvijanju antifašističkog pokreta, afirmaciji građanskog demokratskog društva, ostvarivanju ljudskih prava i demokratskih sloboda u skladu sa općeprihvaćenim i međunarodnim normama, podizanju svijesti o historijskim, kulturnim i civilizacijskim vrijednostima Bosne i Hercegovine, vršeći tako misiju jačanja tolerancije i razvoja demokratskog društva, kao vrijednosti od posebnog značaja za Grad Sarajevo.

**Član 2.
(Iznos sredstava i period finansiranja)**

Djelatnosti Udruženja generala Bosne i Hercegovine sufinansiraju se iz sredstava Budžeta Grada Sarajeva, u iznosu od 10.000 KM (desethiljada KM), tokom više budžetskih godina, dok Udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

**Član 3.
(Nadzor)**

Nadzor nad provedbom Odluke vrši gradonačelnica Grada Sarajeva putem nadležne službe, Gradske službe za lokalnu samoupravu.

**Član 4.
(Izmjene i dopune)**

Izmjene i dopune ove odluke, vrše se na način i po postupku za njeno donošenje.

**Član 5.
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo”.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav 1. tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo, čijom odredbom je, između ostalog, utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

RAZLOZI DONOŠENJA

Udruženje generala Bosne i Hercegovine obratilo se gradonačelnici Grada Sarajeva Zahtjevom za sticanje statusa udruženja od posebnog značaja za Grad Sarajevo, a uz zahtjev su dostavljeni dokazi o ispunjavanju općih i posebnih uslova iz Odluke o načinu sticanja statusa udruženja i fondacija od posebnog značaja za Grad Sarajevo.

Pored ostalog, u Zahtjevu je navedeno da je Udruženje formirano sredinom 2006. godine na inicijativu grupe generala Armije RBiH, Vojske FBiH i patriotski opredijeljenih generala bivše JNA koji su aktivno učestvovali u odbrani ili imali savjetodavno učešće zbog životne dobi. Udruženje trenutno broji 37 članova, a od toga broja 29 generala i članova ima prebivalište na području grada Sarajeva, zbog čega svoje aktivnosti i život provode u glavnom gradu.

Neke od aktivnosti Udruženja su:

- Njegovanje tekovina OOR 1992.-1995. godine,
- Njegovanje nasljedstva antifašizma i antifašističke borbe naroda BiH,
- Konsultacije i lobiranje kod odlučujućih političkih faktora po pravu demobilisanih boraca, RVI i porodica šehida i poginulih boraca Armije RBiH i MUP RBiH,
- Učešće u konsultacijama sa parlamentarnim političkim strankama po pitanju donošenja zakona koji se odnose na braniteljsku populaciju,
- Savjetodavno i stručno učešće u pripremanju odbrane nepravredno optuženih branitelja BiH, te briga o članovima Udruženja koji vremenom ulaze u stariju životnu dob, kao i druge aktivnosti značajne za članstvo udruženja.

Gradonačelnica je, u skladu sa odredbama Odluke o načinu sticanja statusa udruženja i fondacija od posebnog značaja za Grad Sarajevo i prijedlogom nadležne službe, uputila Gradskom vijeću Grada Sarajeva prijedlog da se za Udruženje generala Bosne i Hercegovine utvrdi status od posebnog značaja za Grad Sarajevo. Vodeći računa o prednjem, te cijeneći da navedeno udruženje svojim djelovanjem predstavlja i promoviše osnove tolerancije, podstiče razvoj pluralnosti i demokratskog društva, te tako afirmiše vrijednosti koje su od posebnog interesa i značaja za Grad Sarajevo, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.